

二知軒詩續鈔

二知軒詩續鈔卷三

定遠方潛頤子箴

古今體詩一百一十五首

丁卯正月
至七月

東林薌谿同年

殘臘君從海角來江門我亦放船回勤劬至老長耕硯

近爲君刊
視莊緒錄

契闊經年一埤杯難得和聲清似鶴

蒟蒻
莖有雲

鶴山人
詩鈔

生成仙骨瘦於梅偷閒願續東瀛集號令春風

筆陣開

春日西園雜興用東坡和子由記園中草木十首

韻

曩讀士衡句春葩匹邦彥乾坤暢生機暄妍節候變公
餘繞廊行頓覺埽煩倦與古爲唱酬坐石展吟卷其源
出風雅多諷詞故婉浮華世爭尙紅紫一笑遣滿山桃
李開豔色鬪枝蔓高士卻不顧尋香到疏畹役役事冠
蓋遲知三徑晚

亭亭卍字果高於脩竹林紛紛五爪龍

草花名

作勢纖毫

矜轉憐丹若枝集枯安可任

柳子厚句

了無雪霜降衆綠環

背襟

聊齋記堂北日背堂南曰襟

邛壑那在多聳秀侔胎簪猶記初

至日斷礎蓬蒿深丑春構臺榭俯仰歌詠興嵇含狀待

補掇拾吾粗能

小園西北隅一株榕樹老濃陰隔牆借邀客玉壺倒雖
較夢園隘也憑匠心造實處要使虛化工讓人巧行樂
當及時歲月肯坐耗於今海外花蕃比原上草

幽蘭以墨名姿態獨秀拔怕遭粉黛污美人釵上插迴

看九里香

花名

兀未吐萌櫟仗汝殿餘春孤負水仙約茶
梅正放花宛若胭脂潑山頭橫鹿眼猜疑有村落

空明水晶域大好施團蒲瞥見方池邊弱柳生牙鬚檻
外青琅玕瑩然潤不枯弔鐘簇簇垂廊載來頂湖頻番

換新汲

養弔鐘花須
日換新水

抱甕園丁劬安得倩南田撫入歲

朝圖

今年暘雨調嶺外韶光早彈指過七春生憎雙鬢老益
然太和氣頃刻蘇萬槁黑雲遇東風吹散一匹阜晴暉
樹頭漾徙倚豁愁抱俄瞻月溶溶碧欄鋪夜縞

曲折遠塵囂無人常閉廳盆花爛如錦馥郁穿簾釘新
栽四梧桐何時陰滿庭吉了解喚茶孔翠張鈴幄昨宵
沐膏雨入望彌葱青雲根皺透瘦惜少泉泠泠

前人植水松兩兩閣之南我來日休憩儼留棠樹甘後
堂有龍眼溼翠朝露涵逢秋取驪珠童稚爭提籃回首

思半園瓦礫情難堪牡丹不宜粵花亦離鄉慙

牡丹至
廣州花

止一年次年則不花
必以河南之土種之

此邦人日節士女花田游聽松園已廢杏林莊絕幽

築羅刹磯驚潭漸成溝鐵樹應含苞

今年丁卯

低傍日及

東皇下炎崎火速鞭蒼蚪千叢富羅綺任爾狂蜂偷

金粟香賽秋月貴

花名

寒不知長春國中住鶯喜鳥漫悲

霞明玉山頂潮暎珠江湄踏青旣無暇聊訂簪盞期故

人二三子清芬軼薜蘿離座間罪玉屑使予解渴饑

和林竹溪

士班

姻丈寄贈原韻

紫閣藍田作戰場短衣匹馬氣如霜玉攀江上綠官柳

君將由袁浦赴陝右應喬中丞之招

忽憶天南紅佛桑韜畧出奇兼制

勝才華摘豔更薰香文經武緯書生事它日論功敵史

祥

淮山烽火話酸辛曾作平阿避亂人
冰雪回春原至理
菑畬種福亦前因為耽詩癖篇章富不墜家風仕宦貧
努力相期寸陰惜一分都可直千因

招丁松亭

浩孫省齋觀

兩前輩郭玉麓方伯蔣叔

起同年集於菊坡精舍作同臺會用東坡次張

安道讀杜詩韻

宛作蘭臺聚能無酒興豪宦遊同嶺嶠嘉會續風騷記
入班心選羣推海內髦一麾辭瑣闕萬頃泛銀濤花鴈

謳歌徧珠厓控制牢

謂松亭前輩權廣州府事省齋前
輩觀蔡雷瓊近以入觀去冬返

羊維屏壯南服按部抑東高五管完租稅重洋靖舶艘

謂土麓叔起兩君禮爲吾輩設共推松亭前輩上座境可俗塵逃拾級看

舒鶴其上爲鄭仙祠憑欄想釣鼈主賓懽雜選叔起以入臺最後反居末座

勛業互稱褒簪盍當春煦襟題筵澤皋於今持手版憶

昔著宮袍忝接夔龍武還參鸞鳳曹天門何詖蕩京洛

不嬉遨共奮埋輪志彌彰補袞勞夜窗焚諫草雲路擁

干旄夙有神明契奚庸澹漠遭君恩偕戀闕鄉夢阻

觀濠且對紅棉樹頻斟玉色醪殷勤呼老圃先爲拔邪

蒿

二十六日招丁芥帆士彬舍人黎召民兆棠觀察

陳蘭甫學博李恢垣吏部張蘭軒吉士飲於碧

玲瓏館

去年此日西園客蠟屐重來尙有三

謂陳李張三君

更向講堂

約黎獻

召民近主講羊城書院

久聞公望屬下潭片雲嶺外游蹤

繫

芥帆新至廣州

一兩枝頭綠意酣共話春明如夢寐幾時還

醉鳳城南

述懷和友人韻

雲將何事忽東遊惹得鴻蒙亦掉頭世態魚龍偃師戲

宦場雀鼠太倉偷狙公賦芋偏逢怒蜂使喧花慣抱愁

往日繁華今宋寞漫云廣管異它州

暴雨飄風了不驚
晚晴依舊遠山橫
月明大地皆銀海
霞起荒郊有赤城
頑鐵縱剛鋒易挫
亂絲欲斷綱奚成
似聞捷徑多荆棘
獨向康莊按轡行

要呼天匠剜巖巒
飛去飛來鳥語歡
擁被不知春夢短
舉觴但覺醉鄉寬
磨穿符處懸無定
繫上金鈴解卻難
壺裏乾坤非誑我
蠅鬚館罷宴毫端

二月朔日偶筆

雨聲雄雄雷聲雌
溼雲四捲明琉璃
人間正交驚蟄節
誰令天上豐隆知

阿香推車撥晝眠
忽報客至

謂叔起

心爽然不知此身在

城市豎指一學天龍禪

和蘭甫兩疊前韻

如君曠逸真無兩使我逡巡退避三高士只應栖鹿洞

延君主講菊坡

故人多半別鷺潭

芥帆快垣往摩慶蘭軒亦將北上

摩抄鉛槧

老彌壯

乞君校刊魏默深禹貢說楊掌生禹貢新圖說

醞釀詩書醒復酣允矣

白沙堪繼武茫茫墜緒振天南

筆健鼎能扛斛百學勤章亦絕編三聖賢默許窺堂奧

心耳曾經洗石潭

太白句云石潭洗心耳

盡掃浮煙和漲墨幾忘

綠暗與紅酣歧中更有歧途在乞得君詩作指南

埤原作

陳澧

縈成奇石壺中九湧出神山海三小坐乍疑

舟汎汎屋形如舟清遊渾忘府潭潭銀花火樹燈光

豔梔子芭蕉雨氣酣遠聽禽言喚都護定知孔

雀在東南

酒戶輸他飲中八恢翁善飲文壇邀我讓之三公命

講菊坡養病飽食二升飯召翁不飲送別深情千尺

潭蘭軒將入都此日新知談正樂介翁初見詰朝挑戰

興尤酣公詩夜闌歸去攜詩卷見示新心醉餘

音雅以南

懷子隅四疊前韻

鏘金戛玉音諧八滾雪飛花峽倒三宛若飄風吹萬竅
更如皓月印千潭詩爲性命終身寄酒作賓朋竟日酣
獨立崧臺胸臆吐不須獺祭學樊南

思鄉五疊前韻

睽違鄉國四千里荏苒行年五十三陸氏空拋兩頭屋
少陵遠憶百花潭亂離榛莽鴈居占擾攘煙塵蟻鬬酣
今日竹林相慰藉龍眠山色勝淮南
二叔父就養子祥二弟桐城學署新至廣州爲隨述亂後情事感而賦此

閉門六疊前韻

綱紀羣倫唯抱一綱緼元氣本函三想當溟滓混宙合

誰識庶靈生介潭剖判乾坤先立極鑄錫造化與乘酣
閉門主靜功夫足休問山中黃蘗南

縱目七疊前韻

高清下濁儀分二往古來今道貫三磴級盤紆穿峻嶺
煙波空闊泛江潭尋花問柳蹤無定放大呼鷹獵正酣
山作屏風池是海拓開眼界越裳南

澄心八疊前韻

鞋纊依然聰達四括囊只欲口緘三機關險類將崩石
城府深於無底潭世外林泉勞夢想眼前天地入醺酣
濯磨方寸明如鏡風角奚庸問李南

攤書九疊前韻

天下橫行軍避五古人不朽事兼三差堪共語韓陵石
卻賴沈碑襄水潭青簡是非身後斷黃梁富貴夢中酣
徑思安樂窩邊住仰瞻穹蒼運北南

讀畫十疊前韻

品諸謝赫法云六證以談賓祖者三

談賓錄謂顧長康
張僧繇陸探微爲

畫家

三祖劈斧皴麻真峭嶮風萍水荇故洞潭天真發露傳

神妙元氣淋漓下筆酣不道煙雲歸虎帳更無董巨寫

江南

有感十一疊前韻

須知叔夜不堪七未若啟期能樂三訪道忽驚封石穴
卜居最好傍谿潭斷無俗子丹爐守別有頑仙酒國酣
玉局高歌門徑得辨明家坎室離南

卽景十二疊前韻

春光度過四句半休暇時纔十二三鑿壁嵌碑留翰墨

重修西園詩碣新嵌於書室之西牆種荷汲水浸池潭軒窗向曉書聲起

庭院新晴鳥語酣楊柳梧桐生意足天然詩境藥洲南

雨後口占十三疊前韻

應時只須卅有六留客何妨五日三已見豐登兆羊石

遙知春漲發犀潭

在清遠峽

溼垂雲幕晝疑暝聲震雷車眠

不酣試向碧闌干外望茶梅如火放窗南

送蔣中丞赴新甯督師初登火輪船中丞命名飛龍十四

疊前韻

破宅賊膽萬人敵足慰忠魂地下三謂翁桂秋王東林賀國輝三將賓

佐於今有韓愈謂伯英膚公當代屬虞潭黑頭開府軍容

肅白髮鹽官詩興酣水火分明占既濟德威傳播到扶

南

二月十九日紀異

昨宵蔣徑叔起招飲北風起頻聽鳥呼天落水心知必有大

雨至誰料凌晨降冰子漫空湮絮韜濛光甫明旋暗陰

脅陽銀龍天矯掉尾翔玉虎蹴踏轟雷碾雄威彌顯飛
廉狂是時天后祀方畢歸擁黃紬心惕怵得毋驚駢海
上回頃刻洪濤作山立乾坤簸揚萬竅號又疑六丁六
甲神兵鏖砮訇韞韞雜然金鼓震堂坳堆積如蓮如芡
如李桃天公狡獪至此極太清冰室何堅牢鑿成果蘇
亂拋下不用女媧補天罅或云螭虬鱗甲之所藏凍入
炎荒殊可詫往者我住聞韶臺雪中飛雹真奇哉
甲子有春
日紀豈知反是上元瑞東南淨埽烽煙開申豐數語足
異詩
千古聖人在上雖有不爲災一年落雹十年安樂
粵語黎
君召民告我信有徵更聞老嫗言盤盤米七十觔錢僅干

三出呈祥歲奚惡披衣急作硬雨詩從今可廢五行學

杜蘭畦

學禮

同年過西園以去年所購書畫就正

十五疊前韻

神仙可希李八百

君老而彌健

文采不亞蘇九三

東坡呼子由爲九三

耶平生所好在碑版自謂入眼分絳潭水晶宮裏墨花

潤

謂松雪黃庭經

清閨閣上香雲酣

謂雲林書畫君極賞此二種

羨君此癖

最風雅況復家世雄征南

附和作

杜學禮

官閣臨風層上一

閣懸更上一層四字

高軒遲客徑開三

千篇綺語生花筆

承惠二知軒詩鈔

一片澂心印月潭

示我畫書真絕妙

尊藏松雪雲林真蹟甚精

羨君文史早沈

酣廿年前附登科記何幸同升到嶺南

曉行東郭外漫賦

白雲黏天暗春色雨洗木棉紅不得昂藏磊落嗟數奇
野寺門前伴叢棘青山笑人終日忙三年未登聚龍岡
玉簾低挂鶴飛去更誰邀瀑雙溪旁

紫牡丹

映山紅映山白草堂羅列衆仙客兒時已有看花癖不
紅不白間更妍霜鬢對之殊陶然魏家牡丹韓家辛夷
一種好顏色分來點染炎荒邊雨露誰道東皇偏鵲魂

欲下翻疑誤壓倒西樵千萬樹變態雲霞洞府多終須
拄杖羅浮去

戎葵歌

西蜀種分五十六綺繡斑斕看不足昔年豫圃

先大父園名

逢端陽無限繁華鬪金谷祇覺塗林難獨豔籬落庭陰

光奪目浙人罕識一丈紅

曩聞顧受笙師云阮文達祠至浙覓一丈紅人無知者

小名我卻聞之熟類麻方葵顏贊稽疏莖密葉王賦讀

山丹隔歲苞始綻布子旋生異罌粟

罌粟須於上秋布子此則旋種旋生

白頭今日偶追憶世上誰如化工速茫茫宦海愁無家

故園蓬蒿三徑斜且喜天南富春色芘芣二月已作花

岷山錦水太迢遞
璀璨乃在珠江涯
鮮於木槿入盆盎
余正郭注洵非誇
茶梅開罷賴此續
品題爭說溫八叉
凭闌悵望動鄉思
欲歸其奈廬成蝸
墓門尙有洛陽錦

瞿麥花名

二叔父云

先通

奉公墓上至今開此花不斷

池漏戲作長歌

嶺南濱海地卑濕
掘之五尺卽見水
前年穿井復鑿池
發甕乃令池有底
盆荷四十倒入泥
以井灌池易易耳
天瓢更爲傾滂沱
翠蓋跳珠淨如洗
喜雨亭邊一凭眺
有山兀兀水瀾瀾
種花旣得急就章
臨淵遂悟盈科旨
去年兒童頗好事
方春雜投鰕與鯉
竟忘淤泥根蒂存

謂可游泳濠梁擬躊躇見葉不見花補蕩依然發紅蘼

沮如暗爲魚所穴譬卮無當盤失樛

唐韻樛似盤中有隔

冬晴水

涸候至春呼告園丁亟料理數典訝同澤名滲解經拈

出醺曰脣

同沈

小池分明等溝澮可立而待君子恥有源

之水從不枯休把江湖例沼沚或云去土重塞漏荷錢

已出姑止止我思中虛必上浮端賴注茲長挹彼坤軸

而外皆汪洋萬斛總由涓滴起蓬萊有時變陵陸歸墟

百谷任輸委要知水性原就下行潦何難致清泚不滿

不竭勢相因學者資深鑒乎此

叔起以硬雨吟見示復次韻答之

青天如從雲脚墜千顆萬顆珠毬擲瑤池仙子來戲龍

王女投壺皆變色河州預兆揚威稜

夢溪筆談熙寧中河州雨雹次年王

師平河州

不比永州晝舉燈

見元史五行志

霹靂一聲芒刃折戰袍

灑上猩鮪血玉詔新頒克勝符頓看五管烽煙絕當春

例買謝雨豬

劉因詩約買神豬謝春雨

凍雷況有筭迸廚砢礮象礮

占戈止笑它柴塞井中水

述懷和叔起韻

險隘秦關地奔騰江漢波我師勞部署狂寇倏經過獨

有梁州帥

謂鮑春霆軍門

勛名永不磨迢遙聞轉戰萬騎夜吹

螺

兩詔

彤墀降

許文恪祁文端兩師去年先後歸道山皆下詔優卹

哀榮荷

主恩洛中諸老冠

文恪壽八十

海內

帝師尊

文端在弘德殿行走

抱痛西河甚

仁山侍郎先文恪下世

遺型東觀存

謂子和太史

共深知

已感歌哭嶺雲昏

送吳定生

善寶

農部北上卽和其題畫扇見贈韻

扇畫菊

數枝

去年君到時正放菊坡菊言從海上來落落此行獨對

我鳴不平伉直駭流俗冰霜任摧折老幹絕芬郁胸中

何所蘊崑山一片玉孰云鳳在笈又見鶯出谷

我心弗能忘天甯寺中菊感子圖畫意聊以慰幽獨歸

語我故人西園頗不俗沈酣一卷詩味比酒醲郁長晝
驅睡魔敲碎萬竿玉還思乞妙梳寫我貧窶谷

定生復兩疊前韻枉投予亦兩疊韻報之

郎官清且雄花中牡丹菊

菊之紅者
都經有賦

肯傲品則腴逞豔

東籬獨哲兄

謂雁秋廣
文同年

曩同譜振鐸警澆俗見君動我

思揩模失桓郁大璞已呈輝寶此卞和玉豈唯逸羣誇
前身是坡谷

劇憐三徑荒無地可栽菊一官久匏繫耽吟性所獨風
騷屈宋徒不謂簿領俗倚裝惜將離挾藻增馥郁淒然
彈忽雷鏗爾弄寒玉恨不偕挂帆去覓王官谷

定生五疊前韻壽予賦此以謝

自從來嶺南久不餐杞菊地暝冬常青匪曰松柏獨頑
軀不知老斑鬢聊混俗和風散春寒百卉爭淑郁瓊瑤
爲我壽玲玲聲振玉辟諸張咸池元音滿阮谷

六疊前韻答定生

番舶炫紅紫伊誰識真菊采采黃金花萬古淵明獨孤
標謝羅綺高韻越凡俗蘭茝雜蕭艾頓掩香鬱郁良工
精琢磨瓦石變成玉試詠遐叔句宛如川赴谷

雨晴散步西園作

離披鳳尾翠如滴犢角穿林紛解解去年竹陰無此濃

日光斜射東坡笠延月榭邊楮葉齊園叟莫教斤斧及
用東坡行老楷詩意梧桐昨被硬雨打重裁碧玉風翦剜翻恨玲
瓏失青峭山頭盡是藤羅罽火雞長鳴若喜晴孔雀愛
羽原惡濕涼棚但將西面遮籬落熏蒸香氣入流連光
景破午睡分付奚囊好收拾

定生再疊四章留別予亦走筆和之

問君胡不留再看海幢

寺名

菊遄歸慰高堂陟屺瞻望獨

炎荒五閱月沈靜避囂俗瀕行故遲徊蘭臭久彌郁探
懷得古錦多於元圃玉截竹便成調底用尋嶰谷

勞勞聽官鼓安能主松菊長鳴招同羣學猿怕學獨春

風大道旁桃李總粗俗何如空山中嵐靄助芳郁世事一局棋笑拈冷暖玉我思元道州高詠畚退谷

不材有散樗不華有牡蒿陶融清淑氣直若天使獨茂林君所居比戶鄒魯俗根柢培植厚交柯紛綺郁歲寒漫搖落號作堅牢玉奮袂淩八荒步入丹霞谷

筆端奪造化冬蓮而春菊居然七子抗

謂君舊作騷壇秋感十首

此雄獨微實逾翻空妍雅故脫俗側身南紀外仰睇卿雲郁君希索幼安我慙衛伯玉乘風破浪去十日抵上谷

東郊勸耕和叔起韻

預祝三苗秀貫桑長官齊學老農忙城頭況有羊銜穗
海畔爭看馬縛秧唯願劬勞終畎畝自來形勝屬敖倉
炎天負郭收秔稻還繼少陵歌吉祥

楊仲驤

超格

航海至廣州屬題石屋閣耕圖照

上方山麓鴈亂嘯麥苗被隴秧滿畦春耕正亟主人出
問渠何事拋鋤犁洪濤巨浪浮東瀛訪舊忽作萬里行
遠離石屋到炎嶠披圖動我歸田情本是長安貴公子

十度秋風摩戰壘雁行中有垂天鵬

謂令弟簡侯前輩同年

儘堪

息影邱園裏紅桃綠柳好村落優遊畎畝空塵縛一片
生機眼界寬城市奚如槩澗樂脫笠閉門還讀書教兒

經訓勤舊畬泥金帖子爭來看以第黃童白

叟盈階除長淮千里生荆棘其奈有田歸不得買刀賣

犢耕者稀中原擾攘成蝸國頻年惆悵先疇荒媿我素

餐糜太倉君家式穀歲豐稔肯播肯穫垂令望骨相迥

非沮溺耦天公漫使為農久君自號石屋新農於今合寫玉堂

圖舞彩稱觴祝眉壽

又題仲驤遂園圖兼懷簡侯前輩

輓紅塵裏早抽身笑指西山作比鄰茅舍竹籬幽趣足

遂園景較夢園真

也曾招隱向荆花秦隴驅車看陳蛇新寫蘭亭傳海內

簡翁以蘭亭
拓本見寄
先生歸硯
簡翁齋名有生涯

謝叔起惠雙銅爐樹根筆筒二首

三月已如黃梅天
膏騰當午輒欲眠
醒心安得妙香至
睡鴨徐溫動詩思
蔣侯妮古真豪奢
寶此鏤金兼蠟茶
不願同人北窗卧
晝長分與燒斑課

禿管縱橫堆几案
方爲裴鍾發嗟歎
昔年麟角今則無
世事類成觚不觚
文房添爾忽生色
錯節盤根垂楷式
踟躕何物堪報瓊
槎牙肝肺臨風傾

題磨盾餘談後

錢塘張炯記潞河白尚書泉劉太夫人軼事

鶯脰湖邊客文章
信有神體裁
唐小說言行
宋名臣少

不阿權貴清能到古人保全劉給諫啟南先生風骨兩嶙峋

謂公與滿

洲昇公寅

一鸞曾不食教孝仰西齋釘髮還封股紵麻更典釵衣

帽肅閨壺蘭玉滿庭階苦口偷兒化鬚眉足等儕皆用本事

卽景口占

輕颺亂颺鳳尾竹小雨驟開龍眼花略似桂蕊中綴八鬚桃實稀

疎桑榭滿高低一片綠陰遮

洋槐如蓋出牆頭庭院添將翠幄稠慣把黃金作花朵

海天分得漢宮秋

眞子飛霜硯歌用阮文達飛霜鏡引韻爲叔起同

年賦有序

硯乃端溪中層石色倅蕉葉形肖菱花溫潤細
膩敲之作木聲而有綠鸚眼三其一最活背鑄
畫景與文達詩序脗合豈當日獲鏡後復得硯
材之似鏡者撫而刻之耶聞文達家中久失此
鏡而硯顧獨存於通齋以供主人研經讀史揆
藻摘華之用名山著作石友固相與有成也吾
爲硯幸轉爲鏡惜矣

新坑石數西洞高品題笑過唐宋朝浮津耀墨發光采
寶物乃與良工遭仿鏡琢成硯左方人鼓琴焚香獨跣

坐招來萬壑松風音雲吐半月籠方池剛值露華凝結
時山頭飄下立石鳳檻外引出巢蓮龜砦然忽變怒鼉
吼瓊屑細灑青桐枝琅嬛仙館筆如飛長歌對鏡一展
眉星巖尤物兩美合但求火捺眞管窺淹雅勝於何次
道

硯爲何新甫同年得於京師廠市君愛而索之

長安市上遇合巧圓冰已墮

劫灰中不及琳腴尙完好閣老能辨眞子名剡溪高士
無俗情當年詠鏡偶遺硯我輩須爲傳分明迴風并卻

月賴爾補其缺三灾幸皆免虛中洵卓絕恍姑射兮乘

鶴歸九淵聚髓兮金膏奪暉占溟濛兮雨候搗元霜兮

作衣翁山石語尙未備冰紋斜界青花肥

硯以冰紋爲異品

雲

霞氤氲盪寒色壁開貳脚黃龍飛

小峨眉用范石湖韻

叔起得奇石仿石湖詩意亦名之曰小峨眉屬
予歌而和之

一卷之石三尺高礪硯足侔沖霄榕堂使者氣磅礴

直令馬首羣山朝呼吸閭風造嶺頂筆搖五嶽人中豪

嗟予度嶺亦已久未攀蓉

山桂嶺名

遑叩韶邇來聽石偕

聽鼓楚庭偶一登嵯嶢白雲可望不可卽愛此秀澤橫

單椒五羊或云是贗品卧池九曜誰斲雕徑思出郭訪

幽邃又恐以火貽山臊雲根近在咫尺耳把臂奚用巖

阿逃垂金蔭綠

軒名

陡然壯有若玉壘撐霞標

錢起詩峨眉山玉壘指

霞標

三峨迢遙數千里幾時去應羅浮招昔年吳船

石湖出蜀

有吳船錄

今粵艇瑰奇巨製容續貂英州所產得無是嶽崎

肯受風霜凋市廛伏處動君盼脫離塵壒還清寥曩讀

蜺叟瓦屋艸

何貞翁有游峨眉山瓦屋草

不禁神往愁爲消侵尋快覩

小峨狀峯峒頓息西園驕玲瓏山館委荒蔓蜀岡月色

淒紅橋吾鄉磬材瓦礫棄簿書坐困嵇阮曹無聊且赴

看山約入門涼意生絺袍猜疑雙竇尙藏雪斧劈雄過

皺牛毛壁津樓下勢綿亘銅梁宛轉聞歌樵會須挈舟

游巫峽仙人接興應見遭

石湖原作

近得靈壁石絕似大峨正峰名之曰小峨眉東坡嘗以名廬山恐不若此石之逼真也作小峨眉歌以夸之

三峨參橫大峨高奔崖側勢倍半霄龍跽虎卧起且伏旁睨沫水沱江朝禹從岷嶓過其下奠山著籍稱雄豪告成歸來兩階舞泗濱錫貢備九韶覽觀此石三嘆息髣髴蜀鎮俱峩嵒惜哉擊拊墮箕簏輦從淮海還山椒降商訖周謹呵護磬氏無敢加鐫雕劉項螭爭鬪靈壁血漂川

谷流腥臊水官恐此被染澆匱包席褻吳中逃
市門大隱闕千祀苔衣塵網蠹孤標尤物顯晦
定有數昨者惠顧不待招我昔西遊踏禹跡暑
宿光相披重貂光相寺大峨絕頂也十年境落卧遊夢摩
挲壁畫雙髻洞天憐愛山欲成癖特設奇供慰
寂寥恍然坐我寶巖上疑有太古雪未消嵌根
巖積巧入妙峰頂箕踞貴不驕爐烟雲浮布銀
界隙日紅貫凝金橋是時歲杪卧衰疾健起放
杖驚兒曹龍鍾遶岡喜折屐龜手拂拭寒侵袍
太湖未暇商甲乙羅浮天竺均鴻毛小峨之名

神所界永與野老歸漁樵作詩賀我得石友且
以併賞茲邱遭

附和作

蔣超伯

太山巖巖自云高嶓山氣象尤干霄絳雲如何
號東岳封拜本不由中朝說山自古少具眼如
公健筆真詩豪驚人慣吐謝眺句搜奇一路來
南韶韶陽樓上好風景蓉崖桂嶺雙曉曉我家
舊傍震澤住太湖一水通夫椒愛山久已銘夢
寐得石豈敢輕鐫雕一拳秀聳信奇品靈氣所
宅無羶臊得非天公百計取夜聞礚礚來茲逃

輿地紀勝逃石在曲江
相傳避迅雷逃至此猿徒狝族歎奇絕鷺頭

雞足方孤標僊蹤恍得棒子導小隱不必康珞

招司徒障扇信俗物惟恐八座添三貂禪機賴

有石頭在小翻原自雲中凋固應震旦推第一

恐是移從裴逸寥

龍魚河圖南海君
夫人姓裴名逸寥

虎牙桀立

黛紋細螺鬟半髲烟痕消黃皮礪何復相對甘

美不殊嘗倚驕得公詩句更生色突過許家丁

卯橋空青之府彈丸耳較我小峨猶卽曹人生

何必作羊續廉吏豈皆黃紙袍石湖老人詩律

細此道久經三伐毛借渠詩題肖我石乘興便

欲登西樵爭高二華近咫尺佳處有時還一遭

題樹臣觀察嘯劍山房詩草

海角天涯客何時鼓櫂還

若在廉州

放歌龍母廟高詠虎門

山

策中二詩雄壯

骨傲風塵裏心懸霄漢間貽謀本忠孝李杜

上追攀

叔起追和昌黎四詩予亦同作

大鵬徙南溟扶搖不知艱道逢鸞鵠笑搶榆時飛還喬
松挺巖阿堅貞獨忘寒豈學桃李花當春霞綺爛浮生
倦行路駕浪歌魚蟹聲華匪所羨交澹情彌敦如何擲
虛牝坐令孤景謏

右用江漢一首韻

駑駘困鞭笞難追豪俊徒伊誰轡在手適中均調娛處
士奚必逃鼓瑟王好竿三復辨宗論南北區聖愚

右用長安交游者一首韻

戀茲短燈檠肯隨羣動息默數半生事有失亦有得前
修孰爲導匡扶古人力

右用夜歌一首韻

小園雨新霽黃鸝葉底鳴鍼砭暫勿施恐妨俗耳驚遙
睇占榕樹濃陰翳堂皇矯矯出羣鶴來自桃花岡

在揚州

燕雀亟引避刷羽神飛揚骨相超凡禽鳳姿匹嵇康翩

然下南海噴薄金銀光所期在霄漢寥廓相從翔

右用岐山下一首韻

題叔起榕堂續錄後用昌黎答孟郊韻

老彭但能述工倕匪獨巧方愁隙駒過肯讓蠹魚飽一

室何精勤五車日搜攬訛字辨豕亥古音諧柳卯彭亨

腹笥便腴雋心鑊燭漫云陳編竊殊訝老人拘郭功父以不記

近事記遠事爲十拘之一全豹窺一斑神龍現寸爪得此婁護鱗不

妨菜根齏

次韻叔起跋鹿行

布政司署園中鹿最多比年爲外國人所啖僅存十四而跋其

一予與叔起在觀同賦

齊使跛御跛良夫若有二李諧善用短緩步絕稱意仁

義尙可爲

蹙蹙爲仁跛跛爲義見盧照鄰碑文

槃珊勿相戲斑龍傲倮蟲

踏三蹠乃四跂跂復躑躑瑤光著靈異角仙不可射開

諸陸紹弟老雄奮當先虎見亦委棄如何獨偃蹇旅行

最所忌埤雅堪解嘲急走懷瓊累塵尾揮不前鷹足健

須避往者百十羣屢遭屠鼓臂怒作蚺蛇吞狂鯨山客

畏爾跛幸無恙貫河且酣睡直疑鐵拐化雪色應圖瑞

形殘天則全長生寐不寐

疊前韻示叔起

城府太空洞不敵機械巧世情本看穿宦味已嘗飽

然方寸地母爲俗慮攪心安體彌舒眠亥起必卯三餐

貝底熟

貝底水之米至精

七椀兩前煥律參杜陵細句仿山谷

拘如調鸚母舌儼得麻姑爪迴看小池上風靜息鼃鰕

感興三疊前韻

安危兩無定雕拙勝鷗巧困獸尙能鬪饑鷹不可飽萬
物互傾軋縱觀我心攪誰與麾魯戈依然日正卯陰陽
合爲炭利以文火煬天道猶張弓豈憑大力拘割雞用
牛刀剝鼠用熊爪林間謠蠱多毒過虎狼敲

讀通齋集四疊前韻

如來告娑竭施我龍宮巧開函光陸離不覺目爲飽萬

卷都讀破大筆慣掀攪氣雄驅六丁心靜齋五卯北湖
桃花鵝風味玉鐙燭更歌廢解行滿地鋪綠拘宮詞情
韻幽含簀鏗甲爪適厚亦豪宕

許海秋
評語

霜刃堅欲斲

雙水松歌

小齋我已居三年今夏始賦雙松篇我來松長才四尺
一松斜倚石一拳牆頭老榕睨之笑柔條細葉殊可憐
憐渠局促寄廡下豈若曲岸平隄邊翠虬得水展鬚鬣
迎潮鼓浪紛蜿蜒或駢如塵偃如蓋高低一碧凝江烟
生非其地爲松惜何時黛色能參天主人告松莫惆悵
願汝鐵石中心堅不須去與杉檜伍金粟對面堪談禪

院東尚有山松爲牝水松牝櫻木喜濕皆云然窪深院

水畔

落等池沼評訇簷溜懸湍濺栽松人本識松性翁山木
語留真詮鳥飛兔走幾寒暑雨膏潤浥彌葱芊呼童再
量曰丈二養成牙爪將騰鶩衰姿忽忽感蒲柳英材濟
濟珍楠梗秦官別派著炎嶠過嶺芬郁侔蘭茝植物無
情有伸屈見南方草木狀礪礪多節終連蜷桐孫新栽荔奴舊
後堂別館羅芳鮮就中獨數兩君子旦夕與我相周旋
它年結伴入雲海蒼皮玉骨仙乎仙支離漸露出塵態
浩歌大几明窗前

次韻訓叔起

淹通我媿弗如多寸管奚能敵八梭三蔣本居名士列

君與令兄蔚則曉瀛

七臺首讓使君歌

孫駕航給諫新擢高廉道粵中

同臺竟有七觀書灼灼誇崔李抗議錚錚比樂何拄腹
人可謂盛矣
撐腸雄一世高文信可激頽波

寫哀疊前韻

知交落落已無多倏忽流光等擲梭
早魃燕郊蒸疫癘
國殤楚塞動悲歌
泉臺不分音書斷
戎馬其如劫運何
放眼寥空添悶損
萬條銀竹碎簾波

思早魃次叔起韻

戴笠還披衣石郎同玉女
義和收鞭屏翳忙
象藏千銖

紛攫取始焉細霧旋靡雷田家惱煞騎月雨媧皇難補
天漏多街衢日日流成河欲向清冷尋旱鬼更招素奴
離弱水靈潦之患原非輕格子姑令入市行陰蜺黑蜺
遁無影碧落高懸紅鏡明日狂首列咎徵一可奈焦明
時鼓翼不句山與係昆山奔逃兩處驕陽匿帝命召颺
降毒龍目在頂上走如風禁阿脩羅毋逞凶赫炎我比
蕭推雄堪笑空中幕少女力能致雨義何取果然夢見
白頭翁萬頃扶犁歡亞旅嗚呼祝融知汝不爲災喚作
耕父人問來火雲燒乾勃戾氣儼登黃帝青靈臺

附原作

蔣超伯

陸甫里苦雨詩農夫思旱魃非虛語也愁霖匝
月實有此想因製是篇

山魃有雌雄魃亦判男女女攜母物便遠遊男
見鄰錢慣偷取穿窬伎倆原可笑却有一長工

止雨今年入夏苦雨多中宵簷溜如懸河海潮

部添百餘鬼

日前江口渡船因風雨覆傷百餘人

小鳥頻呼天落

水兩害相形則取輕轉思老魃來一行陰虹濁

霧盡掃盪祥風杲日舒晴明我聞致旱祇非一

人面之鴟蠶四翼黑水鱖魚伊水蛇更有脩螭
江底匿鍾山之子身如龍化爲大鳥號晨風俱

能召旱致歲凶豈獨老魃稱鬼雄况爾門楣本
天女蚩尤之頭爾提取一朝天信叔均讒寂寂
窮荒作羈旅嗚呼北方少雨非魃災南方久雨
思魃來青衣一出金鴉翦何人敢射共工臺

叔起爲予作朱笥河先生井字硯歌卽次其韻

序

硯爲 外舅周芝臺相國所賜形橢而方中作
井字池伏一牛其右方鐫篆隸三甌篆四篆書左
方銘曰筆力如犖絕穀棘耕古硯出歲計足庚
子重九筠銘福下有紹龍周氏珍藏二印背陰

題識殆滿洵端溪老坑上品也記 外舅昔年

語予曰此硯笥河先生身後卽遺失其後復從
市上得之與予家爲姻串知予有硯癖遂割愛
相贈今以畀子其善藏之道光丁未予在京師
又爲奴子竊去鬻於琉璃廠肆物色數日以青
蚨贖歸癸丑夏賃屋於懷遠作避亂計將移居
而粵寇適至倉黃拏舟赴孔岡寇旋北竄行篋
書籍蕩然一空而此硯獨無恙自是珍如球璧
出入必隨薄宦嶺南候經八載雖得新坑數石
而潤涇相兼浮津耀墨實無出其右者顧筆札

庸劣既不足以步筇河後塵而冰玉之稱賤子
終有媿色我叔起同年見而作歌獎借備至能
無慙然因念此硯屢失屢得若有呵護之者述
其梗概以著於篇

端溪石材天下無譬猶八寶須彌盧黃龍金線沙釘朱

鵝眼活翠圓類珠葉

越米

帶蘇

易簡

蔡襄

唐詢

魏泰

徒

三巖兩坑翻縷書以今證古名實符凹心積墨宜操觚

豈唯研京兼練都師承有自

謂漢學

德不孤學士品儷歐

公瑚風骨誰曰盤陀

謂文正

殊守此硯田磨弗枯當時合

把賢良

東坡硯名

呼棣華競爽懸冰壺太息過眼雲烟如通

靈勢難扁顧厨堦鄉初到問所圖志鵠未免差毫銖道

辛卯予入都贅於

外舅

服公藻鑑細入癰

外舅藏硯
技夥以石

家次年應京兆試復報罷

中虛三字編號定甲乙

此硯在石字第二號 玉堂勗我勤染濡敢以鈍馬相

詆誣

東坡謂繼墨硯數
字一磨如騎鈍馬

光陰忽忽飛兔烏目眩顏柳迷

鍾胡苔痕滅沒花甌跌馳驅嶺嶠辭青蒲泮如來降其

信乎願作老農耕始壚

次韻叔起端午偶成用予集中挽張真人書符韻

艾鬚處處綠垂門猶貌文成九世孫鼙鼓喧天消瘴氣

梟車碾水破潮痕不須條達將兵辟願乞靈虺捉鬼吞

東澗紫茸香正烈仙人招我泛金樽

和潘鏡如露 嵯尹見道旁小松有感韻

旁羅荆棘叢中孕參天色風塵日假蹇葛向空山匿白
雲洞日封工師求不得堅貞出本性扶持謝人力弱纔
垂塵尾低未眠鶴翼飄颺大隄柳傲睨莫取則懷此歲
寒操遑用俗人識支派秦官尊丰標木仙特龍鱗有時
奮豈受泥塗抑信非凡材伍厚重始基植

白季生議卿 年丈枉投四律次韻奉酬

睥睨乾坤裏嶽峙磊落人重游南海郡高躡上清塵時寓

鄭仙祠 敏瞻盧詢祖風流賀季真胸中無塊壘寒盡卽陽

春

尙書清望著吾皖仰宗工爲國培元氣掄才正士風訓

垂家塾內杖傲雪庭中

俱見磨盾餘談

一一皆雛鳳翮如鶴脫

籠

弱冠雲司陟芝蘭秀特鍾鋒車平雀鼠藻翰備鸞龍不

水謳歌遠酥溪浦澤濃袖簪戀吳會歸計且疎庸

似啖安期棗瓊臺健步趨尙能長夜飲不用短筇扶天

廐方需驥風檣利轉烏滄溟連析木我欲贈文無

子隅春仲寄詩二章卒卒未報五月十六夜齋中

乘興次韻代柬兼懷恢垣四首

君詩到西園桐葉尙未綠綢繆寄豪楮如聞語刺促萬

竅皆怒呿山鳴應以谷興趣不常有每愁墜五俗皓月
來催詩汗下仍刻燭試聽闇蛩吟空階幽意足禿筆快
濡染韻事去年續

昂昂宇宙內地屢天爲冠遇合本前定知命何悲歡故
交日以稀無恠霜鬢繁豁達師造化因之名范寬語言
文字外別開不二門孔翠入籠羈羨彼黃鵠翻七星巖
畔客吐詞清且敦爲報碧玉枝茂密齊明珎

珠江至端溪一水盪空綠安得泛舟去衙齋膝同促雄

才乃善下中懷虛若谷兩載獲詩友

謂懷垣

投契邁流俗

我思愛蓮亭

在端溪書院

賭酒正燒燭暢然傾肺肝滿紙真

氣足定多銷夏什可容臆脰續

遺山此功臣

恢垣新箸廣元遺山年譜

詳核逾南冠

遺山有南冠錄

賁禹望

中州迢遙追古歡因詩考時地撮要能刪繁腹笥百寶
儲不減龍堂寬橫經坐講舍曾登楊趙門醉彈雲林璫
譜可霓裳翻相思不相見別久情彌敦胡爲在塵境員
嶠羅珠玕

五月二十日爲吳梅村先生生日叔起集同人祀
諸榕堂並紀以詩用先生送曹秋岳遷廣東左
轄韻予亦同作

綠陰匝地澹斜陽爲耐詩魂召索郎聞說朱衣纔入夢

卻看繡襦已離牀少年詞藻驚同社老去靈丹賜尙

方祭酒風流心事苦脫開塵網換僧裝

又別膠城過石城一編碧血

謂綏寇紀略

抵論兵江干燕子

愁南渡村裏梅花笑北征國學重來桓博士君侯初識

李西平

謂督府馬國柱

淮王雞犬人間在元武湖邊百感生

賁園歸隱不聞笳瑟瑟寒蘆萬綠遮

梅村有交蘆菴

十子當時

誰與敵九峰到處可爲家無言獨釣蒼溪月

又有蒼溪亭

約虛尋勾漏砂

先生壽龔芝麓句云勾漏丹砂本易尋

孝友都從天性出

明珠老蚌吐光華

先生五十後連舉三子

胷羅三史過橫流遭際艱危六十秋聊學青雷營半圃

最宜嬌雪築層樓科名吾子堪齊軌

謂叔起

風雅諸君共

挾輶

謂蘭甫蘭畦樹臣三君

迎得鹿樵辭鄧尉駕螭新向嶺南游

蘭甫不和梅村韻自成一律題叔起榕堂續錄後

卽次其韻

風騷獨振越王臺繼起南園奧窈開彪炳文章傳正印

見梅村行狀

主持壇坫讓先杯浮雲變化虛空掃老筆紛披

入妙來尙友婁東真不愧於今海內幾雄才

讀梅村集疊前韻

淄川一疏鳳鳴陽再見陳留蔡議郎帝許才名儕內翰

登第日制辭以蘇軾比之

天生風骨傲南牀須知端本澄源論早裕

通經致用方拈出閩州新樂府老親驛路趣嚴裝

東舉歌罷賦茸城差喜暮情可避兵百日湖塹暫飄泊
十年京洛又長征悶來唯以篇章遣酒醒何曾壘塊平
閩世浮沈商出處驅車愁絕魯諸生

幾時軍帳息饒筓六詔旌旗望眼遮王儉賓朋誰奪簪
杜陵詩史足名家雕橋莊峙尙書里拙政園燒姹女砂
徙倚南廂成古調不徒錦樹感風華

追逐南朝徐庾流卽論文字已千秋逃名夜坐奇懷室
送客帆過仙掌樓廊廟需賢交薦剡林泉樂志且回輟

梅村有
樂志堂

試看開卷吟蒼雪預約中原一履游

倪文正畫石爲王雨菴

湖觀察題

七星巖石無此奇張之素壁形屢屢使君日作米顛拜
鄉山飛到端溪湄突兀宛露蘭蒿姿湧出扶輿氣磅礴
令人神往衣雲閣築宅羅紋儼圖畫七疏歸來奉親樂
簞廬竹榻倪家船倦游返權倚石眠有時箕踞興忽發
身在兒山蓮沼邊指點案頭兒易篇取象乎長空礪然
疇昔讓官亟推轂願棄硃硃得良玉上書攻錯意殊厚
太息宜興終碌碌

皆見文正年譜

吁嗟乎穀城謂公清絕塵此

石毋乃自寫真大力欲安天柱傾碑徧江左

四字見國朝論祭

文

唯斯人制虛制實詳敷陳吐詞堅確骨嶙峋槎枒肝

肺毫端。公已抗節攀龍鱗。尺幅可寶猶貞珉。墨瀋淋

漓休浪用。

文正目疾取程君房方於魯墨塗壁默坐其中

尙雨毛倫堪伯仲。

于

皆越人善畫石者

觴客空思延妙樓。招魂遠向聖儀洞。

文正葬於會稽

白蓮塢聖儀洞之左

山光散盡留一拳。試把竹垞長句諷。

竹垞再過倪尙

書宅句云卷幔山光繞座前

答蘭甫倒用前韻二首

詞章經學有專才。慧業文人貫鼎來。踏月阮祠常襍被。
論詩蔣徑又銜杯。津涯久已探尋到。門戶從教豁達開。
難得先生登講席。菊坡重築小瑤臺。

媿說承明著作才。八年持節嶺南來。須防閭室塵封鏡。

多恐均堂水覆杯
習靜自然機事少
耽吟時復好懷開
濠梁近日烽烟靖
夢想觀魚惠子臺

苦熱坐喜雨亭戲作九言

流金爍石何處涼
可招賴有四圍空洞之團焦
炎官火織當天縱張滿
科頭跌坐暑氣冷然銷
老榕隔牆特送綠陰至
假山對面作勢撐嶢峣
今年小池花事太不盛
稀疏翠蓋矗立無珠跳
雨師還宮癡龍海底卧
雲幔四卷羲馭馳丹霄
慢膚多汗輒吟退之句
只宜瓜戰怕赴河朔邀
賈胡載冰難供琢山用
北地冰至粵無大塊者
潮扇風輭未若翎握雕碧玲瓏
館竹樹過蒙密月臺東峙夕照紅

如燒茲亭恰好位置在西北梧桐楊柳一一輕颺飄曲
廊深逕那許熱客間延熏挹爽頓覺祛煩畝明知讓農
趁晴刈早稻匪靳膏澤不肯傾天瓢歌聲乍希忽聞鳩
逐婦傳來雨信戴笠期詣朝

詩成之次日天大雷雨復作短歌

六月十四日

天公亦憫詩人苦亟召屏翳下南武漫空濕雲鋪萬縷
日色忽暝不知午箕伯揚威助雷部亂掣金蛇鳴玉虎
鏗鎗似發千鈞弩射入炎荒能破暑爽氣颯颯生廊廡
盪滌心魂清肺腑遙想大通煙外艣一霎海珠石邊聚
送涼難得壓潮雨頗思去作魚蝦侶脫蓑醉向船頭舞

題陳仙坡

對南

大令行述後

吁嗟乎昔爲孝廉捍鄉國朝宗門外手刃賊今爲宰官

殉孤城父老稱觴翻召兵出死入生經百戰飛礮如雨

色不變大府

謂勞撫軍

能識偉丈夫百里雷封廟堂薦傷心

出處遭盤錯無復空山讀書樂當其逕渡毛日河前途

紛紛皆倒戈梅花昔裏走狐兔芭蕉關下鳴鸛鷺兩度

復城功壯矣邊塞尙存仁讓里噩夢預兆崇公祠拔劍

太息妖氛起叛虜猶知說官好我欲昂頭問蒼昊如何

縱寇殃吾民劫運天亦難與爭睢陽常山足比烈冥漠

玉汝完忠貞

題恢垣端溪書院重脩愛蓮亭記後

濂溪未著愛蓮說無人道是君子花
儕諸蔓草笑枚叟
新聲子夜歌淫哇佛土闌開花世界
華嚴經文殊可怪
如來葉底且勿參清氣五更同沈澹
端州太守吳繩年舊

築亭尊聖閣南楊德聲百餘年中彈指過
聚散渾若波

面萍一亭廢興原有數況君夙抱烟霞癖
歸田日日坐

泉比更爲團焦動吟趣

亭成君作記復與予閑詩以落之

我知諸生請

業餘納涼池上香衣裾招邀青士伴淨客

聞亭畔種竹已活胸

次豁然應念祛亭名喜雨媿弗如今年補漏稀
紅葉西園

喜雨亭南小池今年因池漏種荷太晚花事不盛

出淤不染善題品多少詩人

唐突甚徑欲挈舟泛瀝湖與君偕折碧筩飲

新得小玉罌養素心蘭二枝寵之以詩

良工截取鶯肪雕溫潤絕勝官哥罌口如蒲槌腹茄袋
區壺位置宜疏寮揆奇要出瓶史外得此直可金屋騎
美人雙雙入簾幙翩翩宛赴西園招紅心那肯鬪時豔
幽姿且喜離塵囂高濂作譜謝氏族維陳夢良名首標
下及吳潘趙何鄭千叢萬木芳意饒羅綺終嫌墜色相
誰歟獨曳冰紋綃脫黃去紫鏤碧玉擬之魚魴超又超
此花此罌恰相稱呼童急把清泉澆一枝金錢兩荔子
罌上所錯認龍眠來白描如斯精舍倣空谷眞香徐嗅

魂爲銷銅幾浪說分四季酒春君合封青瑤養蘭用觚
吾曰否數典幸免詩腸枵

快雨謠

白雲山前插秧東村西村戴笠忙晚造豐登饗早造
得隴望蜀心傍徨天公今年福吾粵春夏時雨還時暘
珠江老龍不敢卧連朝鼓鬣寥空翔騰收緩轡迓屏翳
黃童白叟喜欲狂七金八銀信不謬安排早納官家糧

次恢垣院中木棉韻

花中此豪傑雄長嶺南地猶如老尉佗堪名庶霸遂笑
它綺羅叢朝榮夕旋頷高張秉炎精一吐祝融氣燒空

萬片霞有鳥集紅翠火龍奮攫挈輪囷大合簣睽婆入

中土蛻旌颺鸞吹昔登鎮海樓徒懷作詩意

咸豐辛亥二月登鎮

海樓得見南海祠

紅棉欲吟不果西園前歲栽木花尙柔穉懸知十年

後童童展鵬翅班枝與攀桂載籍異名字移根林邑國

南史詳所自李琮但詠棉珊采若淪棄丹鉛尙疏漏楊

讀惠安志講堂好培植荷雨見風致豐隆劫甫過

今春爲雷

火所焚

重沐雨膏賜熊熊光燭天實爲多士瑞

次懷垣病中遣懷五首韻

安樂別無法但須吟四休達觀一鵬鷗懸疣終決疣偉

哉不朽業鄴架挑燈讐亦復慕高散墟石樽枰瘳有書

豁昏瞳有酒澆枯喉徑辭鷓鴣羣怕貽猿鶴羞煙霞適
吾願痼疾何難瘳春風滿端水希蹤顏閔流我知浩蕩
習塊壘曾不留云胡太瘦生強項偏增憂道義力仔肩
爲民歌德輶小體偶失養藥石毋亂投止酒斯得之永
絕三朋仇

放卻手中杯料理階前花簇簇小桃紅

鳳仙別名

豔於丹穴

霞爛爛助秋色旖旎添詩葩最奇呼鶴頂頂上嵌圓華
宛然出塵姿聯袂來姬奢凭闌頓忘倦老眼揩麻沙自
得隨所宜請問菴提遮海嶺異凡卉年年驗興賒於此
一拈筆紀實非虛譁先生戀講舍不計歸期差諸子守

研田久已勤畝畚去作攀桂侶舟向珠江划姑留伴羽

客

亦鳳仙別名

餌丹宗叔遐九苞變化工莫是黃金芽

君亭榜愛蓮環池補新綠我亭額喜雨四面涼風足我
亭君屢登賄酒輒經宿君亭我未到今春始修復覽君
記一篇柳棉閒蕉竹想當凍雨至迸落千丈瀑濃陰助
森爽白晝洗炎酷科頭大自在堪消愁幾斛兩亭試相
較賓師勝臣僕雖曰等傳舍素餐匪吾欲人生宇宙間
難得此清福如君信高尙碧嶺奚再辱

五羊秋暑盛揮汗遑敲詩獨羨瀝湖上壇坫多雄詞摩

抄宋時劍

君近爲友人作藏劍篇

高唱追拾遺藉之斷塵縛卽境

咸曠怡須臾兩腋旁颯若生金颶奏曲倖成連傾耳情
爲移險絕忽平易變調誰能知陰陽互升降主宰天君
司麴蘖種病根豈爲丹鉛疲痛楚了不顧卷軸休停披
內養獲真訣淵冲何慮思因物以付物鼓盪純化機寸
田泉尺宅一一皆整治自爾榮衛調詎必餐松脂還歸
慰大椿至樂同啟期

仕宦久不歸實負平生志淮山繫魂夢悵望嶺南地世
變難究詰譬猶湯止沸蓬麻雜谿徑焚蘭鮑魚肆城府
深萬重渺不可思議直待琴材焦翻喜匠石棄窮通天
所命君子貴居易暢舒妙杆格被濯鮮垢膩苦口有良

藥潛心索道味君詩中我病發我平旦氣亟圖善刀藏
免被牽絲戲白頭返鄉關一了向平事芒鞋和竹杖逍
遙殊稱意迴頭看盧生兀自邯鄲睡

次恢垣再柬子隅一首韻

素心不遐棄歌詠通聲聞詩筒絡繹來使我忘離羣盍
簪得良友攻錯彌懇懃弱予困簿書瑣瑣何足云顏顏
對東坡羞爲世所醺惡札不知醜遽然勞手民風雅道
已衰竭蹶趨後塵乾坤至繁賸萬緒如絲棼慷慨吐胃
臆吾但全吾真行行藥洲畔望望崧臺雲好鳥鳴枝頭
四山息驚紛